




國學教育輯要

主編 君藝豪 焦玉華



卷
下冊

民主与建设出版社

家道卷
下

家庭教育学

乙未冬 著
焦玉华



君艺豪 焦玉华 主编

民主与建设出版社



圣师孔子像

(创作者: 君艺豪)

宗约会规

明·王孟箕

【题解】 作者简介同前。本文选自陈宏谋辑《五种遗规·训俗遗规》。

○期会款式

每月两会，或朔望，或初二、十六。先时约干洒扫，摆列书案坐席，东西两向，两边各几层。宗人照班辈，序齿分坐。案上各置所讲书，另设讲读之席于前，负前楹，向中堂。定二人为约讲约读，择少年音声响亮，或新进秀才充之。中一棹，设云板。命一人司之，为约警。所讲书，如《易》家人、《诗》国风、《大学》修身齐家、《孝经》、小学，并将国家律法，及孝顺事实，《太上感应篇》善恶果报之类。每会，讲几条，盖导之以经书典故，使知各当如此；惕之以法律报应，使之不得不如此。庶几知所趋避，不为醉梦中人。

○讲约规条

每会，清茶多备，茶点一行，饭一餐，并不设酒。讲约时，不许离席，不许两人私语。惟各端坐，专精静听。纵有疑欲问，并已另有发明欲吐，止须先时记存，俟其讲毕，然后问，然后发挥也。若有任意走动，及私语搀越剿说之类，宗长命击云板一声，便当翕然禁步杜口。如一人一会两犯，宗长命击云板三声，撤其席，押之拜庙拜宗长谢过。又家人起于利女贞，古今女诫母仪妇道备焉，并讲之。在会者熟记，归而述于母妻，亦为不约之约。讲毕，有数事

询问处置，分载于后。

○周咨族众

先问会中诸族人，有身家难处之事，内外难处之人，即对众请教。众随所见，与细心商榷。凡可解免其患难，裨益其身心者，无不具告。乃见家人一体之意，此会不为空谈。又问族中某人，有某善行，即对众称扬。兼书之纪善簿，以共相效法。又闻某人有某过，亦委曲开谕，令彼省悟改图，不可面斥其非，使无所容，庶几恩不掩义。若有显过，为乡里共知，众便救正，无徒避嫌姑息，以长其恶。

○讥察正供

问族中钱粮。各户当依限输纳，不可任意拖欠。至累当里排者，充代比较，若借口里排科收，则令其自纳，止以官单付里排应比。若数目不明，互相争执，族长令本房公直者一人，就宗约所算明，押之速完。务令本家钱粮，输纳在各里之先，不烦催科。庶国为良民，家为肖子矣。倘充里排者，征收钱粮，不即完官，或花酒浪费，或营运做家，致县中开欠户，解比较，久之则无意完官，妄希蠲赦，深为门户之差。万一有此，于约所询得其状，即具呈首告。盖一时拖欠数少，犹可措办。若节年包侵费用，穷年积岁，终必难完。其为身家之祸不小。名虽首弊，实免后灾，事有反而相成，未必非厚族之一端也。

○平情息讼

问族中有无内外词讼。除本家兄弟叔侄之争，宗长令各房长于约所会议处分，不致成讼外。倘本族于外姓有争，除事情重大，付之公断。若止户婚田土，闲气小忿，则宗长便询所讼之家，与本族某人为亲，某人为友，就令其代为讲息。屈在本族，押之赔礼，屈在外姓，亦须委曲调停，禀官认罪求和。虽是稍屈，但留此闲钱做人家，趁此好光阴，读书穷理，不为客气所分，亦是自家讨便宜处。即不敢谓人望彥方之庐，或可平乡人之怒，而省公祖父母之案

族矣。

○矜恤孤苦

问族中鰥寡疾苦，以相赙恤。《尚书》称“文王惠鲜鰥寡”，鲜字最妙。谓鰥寡之人，垂首丧气，赒与周给之，使之有生意。夫国于鰥寡，尚留其生意，况同宗一气相属者乎！今人酒肉馈遗，每施于外亲近邻，家温能还报之人，即往来不厌其烦。而族中鰥寡，曾不一念及之。甑里尘生，门前草长。或鸠杖而倚门闾，或鸡骨而支床第，凄风苦雨，举目萧条，长日穷年，无人瞅睬。纵同门共巷，尚且置若罔闻，而况住居相隔乎？偶经道过门，亦必佯为不知，更无特地相问者。惟俟其死，一假哭胡拜之，曰予为族谊也。族谊固如是乎？今于讲后，询问应恤之家，派各房先后，每人馈问一次。多寡随分。即寻常饮食果实之类，亦且见意。有病或为求医购药，盖惠不期众寡，期于当厄。一体血脉相贯，庶几不为痿痹之民。

○禁戢闲谈

宗约，讲读古人经书，商榷族中事体。了此，倘有余闲，惟命童子歌诗，或习礼而罢，万不可言及他事。说鬼，说梦，总属荒唐。言人富贵，便是羡人富贵。言人贫贱，便是笑人贫贱。惟是一片俗心肠，方有此闲言语。若论饮食之美恶，评女色之妍媸，尤为市井下流。即如援引邸报，谈及朝政，或边境警息，或缙绅差除。古人云，“一日看除目，三年损道心。”又云，“士君子不可无忧国之心，不可有忧国之言。”有忧国之心而言之，已为出位。若无忧国之心而言之，更为讪上。若言及官府得失，人家长短，闺门隐微，便是杀身之道，各宜痛戒。偶有一犯，众共斥之，后不许与会。

孝友堂家规

清·孙奇逢

【题解】 作者简介同前。《孝友堂家规》是孙奇逢生前亲自撰写的，在当时及以后都产生了积极的社会影响。并且在长期的传播过程中形成了不同的版本系统，本文选自清光绪刻本《孙夏峰全集》。

安贫以存士节，寡营以养廉耻。洁室以妥先灵，斋躬以承祭祀。
既翁以协兄弟，好合以乐妻孥。择德以结婚姻，敦睦以联宗党。
隆师以教子孙，勿欺以交朋友。正色以对贤豪，含洪以容横逆。
守分以远衅隙，谨言以杜风波。闇修以淡声闻，好古以择趋避。
克勤以绝耽乐之蠹己，克俭以辨饥渴之害心。

宝善堂不费钱功德例

清·熊勉庵

【题解】 熊勉庵，名弘备，生卒不详，清江南淮安（今江苏省淮安市）人。本文选自陈宏谋辑《五种遗规·训俗遗规》。

宏谋按：世俗好资冥福而忽人事。往往佞佛修斋，迎神赛会，以为功德。虽费钱，亦有所不惜。至于利物济人，则又以无费为诿

也。今语以如是之为眼前功德，而并不费钱也，有不翻然悔悟，群思为之者乎。若夫缕举斯世之人，胪列当为之事。则尤使人无贵贱高下，随其身之所处，而皆足为功于世，积德于己也。所裨于世俗不浅矣。故终焉有取于此。

○乡绅

倡率义举，正己化俗。有利地方事，尽心告白官长。有害地方事，极力挽回上官。民间大冤抑，公行表白。里邻口角，公道解纷。村众逞凶，危言喝止，不说昧心人情。肯容人过，肯受逆耳之言。不评论女色，受谤不怨嗟，保护善良，公举节孝。戒人忤逆，止人奸谋，扶持风化，主持公论。严禁子弟恃势凌人，不许仆从倚势生事。不偏护子弟冤苦乡邻，不开害人事端。不以财势傲慢贫贱宗亲，劝止人刻薄取财，夤缘功名。不侵占人田园，不谋买人产业，不搀搭低银，不薄本族，而妄认同宗。感化人一家好善，不包管户外事。不随淫朋游戏，不借端害人，徇情冤人，不以喜怒作威福。止人不演淫戏。不谋夺风水，暨欺压邻傍风水损人。训子孙甥侄，仁慈一体，不怒不纵。不欺凌幼弟庶弟。乘危不下石排挤人。不图方圆适自己意，妨人便利。鼓励人苦志读书，劝人重义轻利。不措短人价值，不因仆从言慢侮亲友。谕人和息词讼，为人解冤释结。不强借人财物，不强赊店货。锄强扶弱，敬老恤贫。不多娶姬妾，不畜宠童，不贪重利，将婢配匪类残废人，奴婢婚配及时，不压良为贱。

○士人

忠主孝亲，敬兄信友。以名节立身，以忠孝训俗。敬奉圣贤典籍，尽心启发生徒。敬惜字纸，谨修言行。海门人言行并重，无故不旷功课。不菲薄人为不足教。耐心教训贫家子弟，遇聪明子弟，教之诚实，遇富贵子弟，教之礼义。讲乡约律法，劝戒愚人。凡事涉闺闾者，不轻言，不落笔。凡事属阴私者，不攻发，不猜疑。不

书诬揭，不写呈禀，不作离婚分别纸，不昧心党护亲朋，不扛帮打降，不传演邪淫小说，不加入浑名歌谣，编辑利济为善书，不诋毁平人，不凌虐乡愚，不妄圈文字。欺哄无知，不自负才高轻慢同学，不讥笑人文字，不废散人书籍，不恃衣顶呈人，不作昧心干证。遇上智讲性理学，见愚人说因果书。劝止人不孝不睦诸事，引导愚人敬宗睦族，传人保益身命事。

○农家

耕作以时，照顾虫蚁，粪田不害物命。不阻断走路，填坑堑以便行人。不唆田主，谋买取方田地。不伙仆人，盗卖主人谷粟。不藉主人势，纵放六畜，残邻田禾苗。不谄奉主人，耕占邻田沟心岸界。不坪断人坟墓，左右前后风水。不耕占迷失坟墓。不的撺唆主人，故意阻塞水道，措勒邻田钱财。不私动主人种粮，恐临期糝稗欺混，致损秋成。不忌邻田禾苗茂盛，妄生残害。不借口邻田六畜残毁禾苗，唆主人诈害。不做工懈怠，荒人田亩。不以酒饭不厚，工钱短少，遂生怠惰，做假生活。填坟墓穴洞。爱惜他人车具。驴牛猪羊，食禾苗者，不轻刺戳。犁车牛路，不图超近，践人禾苗。不于戊日犁锄田土，浇灌秽粪，污触地祇。田家以四季戊日，皆有所犯也。抱朴子曰，燕逢戊日不銜土。

○百工

雕画不亵渎圣像，造物必求坚实。不因主人酒饭简慢，辄生坏念，不作不吉利语。造作不苟且草率，不行魇魅法。不撺哄人兴造，不传播主东家常隐微。不造硃薄假物。不耽延捱工。不图带买受谢，哄买假货。不以裂破者混哄。不轻毁成物。不妄作淫污，不污损人衣物，不偷窃人材料，不轻费人材料。受惜铺垫，遮盖物件。以上工匠，概锚防蹶人足，填塞概锚洞，恐陷人足。急流中代篙代(纆+牵)，挤塞中让篙让纤。不因措索多资，羁迟急事人登岸，以上舟子。

○商贾

讨价不欺哄乡愚。不高抬柴米价。贫人买米，不亏升合。不卖假货。出入不用轻重等秤，小大升斗。凡病人所需货物，不措勒高价。恐贫人无力措办，致病者难堪。污秽肴饌，不可欺人不见，仍卖人用。不设计谋夺生意，不忌人生意茂盛，多方谗毁。交易公平，童叟无二。深夜买急需物者，不以寒冷不应。典铺轻减利息，当银钱，足其等色。贫人钱数分数，尤加宽恤。赎当少亏无补，谅情让免。勿使不成，致恨沉没。不齐行勒重价，贫人买夏帐棉衣被等，哀怜让价，勿使不成。

○医家

施效验良方，遇急病，请致即行。迟速时刻，生死攸关。诊脉不轻率任意，不因贵药，辄减分数。不因钱少，迟滞其往。不因错认病症下药，委曲回护。不因祈寒暑雨，惮于远赴。不因饮酒宴乐，托辞不往。耐心替贫贱人诊脉，遇贫病者，捐药救治。不用反药，迟其痊愈，病本易治，故用反药迟延，以图厚谢，外科尤甚。坏良心，丧天理，不可不戒。不用霸道劫药，求其速效。不乘人重病险疮，措勒厚谢。不妄惊病家，不卖假药误人病，不轻忽临危病人，不厌恶秽恶病人，不与同道水火，误及病人。不图省便，以相反药，同气浸渍，气味相反，有妨病者。不用堕胎药，不忌时医，辄生毁谤。认病不真实，必令邀医会议。请不再邀，念在床褥者，刻不待时，速行方便，可以步行，不必舆舟费人财物。不待药资，然后发药。

○公门书吏衙差之类

随事方便。不勒讨儿卖女钱，不唆人兴讼，不无中生有索诈，不拨制官长生事，不捺案，不妄引重律。牌票招详字眼，不改轻为重，不骗诈乡愚，不生枝节，提人伺候。一夫到案，阖户不宁。不唆盗贼扳仇家，不轻口嘈杂人，不乘危索骗，不轻败人体面。不受买嘱，妄加锁锢。不假公造语陷人，不洗补字眼入人罪，入罪不

下死煞字语。笔下超生，此之谓也。杖笞不聚人一处，不因无钱恨刑，不杖人腿湾。不浪费人茶饭，不破坏人婚姻，不叨准呈禀，不轻送签牌标判，不滥差人动众，不轻拘妇女，不重备刑具，不诬害良民，不索铺堂，不轻拿窝家，不轻写票取人监铺，不轻票取人物，不逼病人妇女到官，不使百工经纪折本，不坏人功名性命，不离人骨肉，不惊动邻佑，不献恶法横征酷比，不迎官意虐民，不使人饥饿。轸恤狱囚，矜原差误。已赦罪犯，勿复提起。已蠲钱粮，勿勒减销。水旱请官早报灾伤，设法赈济。批回速请发，解到速请审。事属暧昧，或关闺闼，稍可缓止，切勿送金。前件未完，勿挂后件，使人伺候。多送正风俗，兴利除害告示。失节事，无论贵贱，虽目击，必为辨解。节孝之名，不论低微，虽传闻，必为表扬。学役时常清洁圣殿两庑，常请劝修整齐，常称人节孝德行，不轻传劣迹恶款。

○妇女

孝敬公姑，和睦妯娌。不凌虐婢妾，不残害妾生子女，不擅分家，不拣抢美物，不嫌憎丈夫，不欺哄丈夫，不擅谋婚姻。前妻子女，一样看承。秽物秽器，勿暴露神前及三光下。洁净厨灶，爱惜灯火。不在公姑前，搬斗是非，不厌女淹溺，不愤气詈骂，甚及丈夫父母。不欺伯叔富有，不厌薄穷亲戚，不笑妯娌贫乏，不倚父母家财势以傲夫家，不挑唆妯娌不和，不恃父母爱欺凌哥嫂，不占强争胜，不卖俏弄乖，不私留饮食，不暴殄衣饰，不毒口詈骂，不言人私情。嫡庶不相容，好言周全。家中口角嫌怨，公言解释。不恃宠灭正，嫡庶不造言谗毁，子女不私心偏向，口不多言。身不出闾，常恤奴婢劳苦。看照奴婢衣食，常令奴婢爱惜子女，常令奴婢夫妻和好。

○士卒

无事勤习武艺，有事奋勇争先，为地方巡缉奸匪。遇水火窃盗，争先救捕。出师不妄杀平民，不淫人妇女，不抢掠财帛，不乘

救火抢物，不因挟财不遂，妄加毆杀。不拆毁人墙屋，不毁坏人家伙，不挖坟墓造锅灶，不斫伐坟木，不掳掠子女，不勒买货物，不欺吓乡愚，不强索酒食，不践踏人禾苗，不硬使低假银钱，不重利盘剥小民。征剿不剥人衣裳，路途不扯人负戴。

○僧道

谨守清规，严持戒律。不窥人妇女，不说戏谑语，不说污秽语。揭卷必先盥手，不使妇人入寺院，不赌博，不饮酒，不浪费施主银钱，不苟简神前香烛，不窃用神前油烛。祈祷必虔诚斋戒，募修坏桥洼路，募施冬夏茶汤，募施棺木。留养过路病人，掩埋无主枯骨。不可常往施主之家。神案整齐洁净，不欹斜，不置秽褻器物。

○仆婢工役

小心勤慎，洁净饭肴。不搬弄是非，致主人骨肉不和。不传说主人隐事，不背主向客，不背地咒怒主家，不误主委托，不抛撒饮食，不糜费主人柴米物料，不霉烂主人衣服，损坏器皿。不偷盗财物饮食，不倚主势，强买短价。不因仇恨，激怒主人生事。不因主打骂，妄生咒咀。不因主贫懦，便生玩侮。不因衣食不敷萌二心，不同辈擗害，不克落钱财，不欺哄幼主，不奸巧躲懒，不见利忘恩，不播扬主短。

○大众各种人俱在内，故曰大众。

父母前解一怒，舒一忧。父母责怒顺受。劝父母改一过，迁一善。不暴亲短，不令老亲任劳，不厌薄老病父母举动，对亲不疾声厉色，友爱兄弟，联属亲党，存心依天理王法，作事畏天地鬼神。与人同事，不生异心，贫不思害富，富不可欺贫。不唆人离间骨肉，不轻以坏事疑人，不暴殄天物。用等出入公平，用秤不捺分量。不言人祖父卑微，不谈人闺阃。遇他人言，及幼辈，可正言叱之。长辈等辈，则以他事阻断之。不行使低假银，不强买计买，亏人命本。不恃乖愚拙，不毁人成功。全妇女贞节，延续人嗣。不妒

富欺贫，不恃强凌弱，不挑唆搬斗，不下井落石，不讦人隐私，不因隙咒咀，不见财毒害，不妄起淫心，不污人名节，不逞志作威，不辱人求胜，不口是心非。不彰人短，炫己长。劝人邻里亲戚和好。见渔猎屠户，劝其改业。奴婢可怒不怒，且善教之。传说因果方术，传布感应善书。息人争讼。不抛弃五谷，不播扬人恶。劝人不溺子女。拾财宝还人。当欲可染不染。不用有字纸张。见播人过者止之，见扬人善者助之。见人忧患，善为劝慰。劝止人不嫖赌，不说欺诳语，不说尖酸语，不负财物寄托，不欺残疾愚痴及老幼病人。遇急病无人料理者，即代请医调治。安贫守分，不生伎求。引过归己，推善与人。交绝不出恶声。婚姻未成者，赞助之。伉俪将乖者，劝和之。不忘人恩，不念人恶。不助人为非，不谤僧道。流水尸骸，稟官捞起掩埋。道路死人，倡募棺木。地上遗骸，收聚掩埋。凡民有丧，匍匐救之。指引迷路行人。扶瞽目残疾人，过危桥险路，指引涉水浅深。剪道旁荆棘，免刺人衣。除当路瓦石，免蹶人足。泞泥中安石块，断绝处架木板。黑暗中，照人一灯，雨中借人雨具。时时察奴婢饥寒病暑，率乡里平升斗等秤。禁幼小子女凌虐婢仆。不听妇人言，疏残骨肉。不窥人私书，不沉滞人书信。兴造顾邻人风水，受享知惭愧。赞成人好事，申雪人冤枉。禁无故宰杀。不侮弄老幼残废人，行路不践人禾稼。不埋没寄托子女姓氏。见人冢棺暴露，以土掩之。不坏人义冢，不呵骂风雨。当与人财物，不迟时。不以祖父骨骸频迁，妄希富贵。不说伤风化语，不乘火窥人妇女，不借救火携人物件，不傲慢尊长，不离间骨肉。常将不如己者，强自宽解。见诸圣像，瞻仰恭敬。不阻人为善，不助人为恶。不毁禽兽巢穴，不取鸟卵，三春不打鸟，义犬不卖屠家，犬之有义，甚于人心，且其知觉，与人无二。不食耕牛犬肉，不捐勒佃户。见有当救者，勉力必救。凡可从宽者，勉力必宽。不沉匿借物。不因善人失意，自己贫困，遂退善念。不见恶人富贵，遂疑报爽。糕饼药饵，必先父母而后儿孙。扶贫济困，必先本宗，而后外

族。凡事肯替别人想，凡物肯替别人惜。所欲必推，所恶勿施。勿以善小而不为，勿以恶小而为之。

葬亲社约

清·唐达

【题解】唐达，字灏儒，清浙江德清（今属浙江省湖州市）人。高隐不仕。本文选自陈宏谋辑《五种遗规·训俗遗规》。

宏谋按：停丧不葬之非礼，亭林先生已极论之矣。今世士大夫，亦不能不以为非。顾停棺浅厝，所在皆是，暴露经年，恬不为怪。推求其故，则曰为择地也，为无力也。夫忍亲棺之暴露，以求子孙之福荫，择地之非，已杂见于他编。惟无力，则诚难以为说耳。唐子以葬亲为社约，醵金相助，众擎易举，虽极贫寒，得此亦可以举棺矣。而又有不葬之罚，相规相劝，无不以葬亲为事，使不葬者，无以自容。庶几同社中，可无不葬亲之人矣。其经营之善，用意之厚，不诚可以劝孝而励俗耶。杨园增补之条，尤为精密。行吕氏乡约者，亟当增入此约，以为救时之切务也。

不孝之罪，莫大乎不葬其亲。而以贫自解，加以阴阳拘忌，既俟地，又俟年月之利，又俟有余资，此三俟者，迁延岁月，而不可齐也，势愈重而罪愈深。今集同社数十人，为劝励之法，以七年为度。期于皆葬，谨陈数则如下：

○凡欲葬其亲，愿入社者，各书姓氏，满三十二人则止。每人详列同社姓氏，粘诸壁间，遇有葬者，则注其下曰，某年月日，其亲已葬，以观感而愧焉。

○凡有举葬者，同社各出代奠三星，有力者或再从厚。一以为敬，一以为助，或至墓，或至家，一拜而退。主人惟各登拜以为谢，无纤毫酒食之费。

○同社者众，不能遍告促金，各随其亲朋远近，分为东西南北四宗，每宗八人，自叙长幼，轮年捱次，一为首，一为佐。凡所宗内，有葬日，则以语于各宗之首佐，各聚其所宗之金而函之，上书奠仪，注曰某宗，下书同社某某仝拜。主人无答简，宗者不失可宗之义，仁孝相勉，异姓犹同姓也。

○每宗首佐躬拜，其余可至可不至，或首佐有事，亦可捱代。如志同而地隔，度后往返不便者，不必共社，仿例别成可也。

○所费甚薄，而贫者犹以为艰，然有为浮名社刻而费者矣，有呼卢酣宴而费者矣。即不然，譬有至戚，吉凶大事，不得已而多此一费者。又譬有泛交套仪，而其人偶受之者，今费而必酬，则是葬亲之外府也。譬诸今日仅费三星，而亲之一指，已先受葬，虽甚贫窶，可不竭力图之乎。至于葬而受金，不权子母者，先葬者孝，是以轻财为义也，较诸称贷举会者利已多，岂有不酬之理。凡有葬，知期前三日，金不至者，宗首罚之，宗首犯者，旁宗首罚之。凡罚，于本金外加三星。

○亲未入土，礼宜疏布持斋，而大拂人情，则相从者少。今乐斋戒者，短长任意，惟每月朔望，及亲忌日，及祀祖之日，俱不得华服茹荤。此仅饬羊之遗意，而尚不能者，不必入社，既入而犯者，亦如罚例。此所罚，注月日，封押存宗首处，俟偶有葬者，并入函赠之，受者于原罚人之葬日，答其半。

○七年之间，费可徐措，地可徐择，日可徐涓，念释在兹，庶能勉强。盖三年而力不足，又以三年，迟之又久，将复何需？不得已而又一年，再不葬者，从前之费，无所复酬，所以为大罚也。无已，则于八年之葬者，众答其半，以存余厚。过此，复何尤乎。

○人数既定，约于某日，共至公所，聚会信誓，以期必遂。期

满而亲俱葬，复聚会告成，任意丰歉醕饮，以相庆。

杨园先生跋

养生送死，子职所共，当礼称财，人心攸尽。是以我独不卒，雅著《蓼莪》之哀。凡民有丧，风垂匍匐之训，义苟隆于报本，情自切于感兴。余溪唐子，以锡类之至仁，举葬埋之正谊，期于七载，统厥四宗，劝励资乎友朋，念释断乎己志，不封不树，食息岂忘泚然。既降既濡，俯仰能无沲若，要使苦苴靡怠，日月有时，人无不葬之亲，亲无久尘之槨，伤哉贫也。文不备，宁戚有余，安则为之；遗其先，遑恤其后，式兹里俗，咸与孝诚。斯云厚德之旌旄，彝伦之鹄的者矣。

附补例三条

○原约同会，始终两会而已。窃恐日月浸久，相见太疏，不免怠忘之患。宜于每岁之首，特加一会，其已葬者，于会期，申再拜稽顙之礼以致谢。既省登拜之烦，亦使未葬者，有所观感。而于一岁之中，矢心积力，以期必葬，则是岁举事者必众矣，其会以已葬者司其事，而不任费。

○同会之人，不逾桑梓，非其亲党，则通家邻旧也。聚会之人，不妨率其子弟以至，世好既敦，亦明礼让，其有佻达不敬父兄，游浪不务本业者，同会教戒之。

○蓝田吕氏乡约，敦本厚俗，莫此为甚。今日之集，特从流俗之极敝。人心之最溺者，先为之导，宜于会日讲明其义，使相辅而行。庶乎仁义之风，久而浸盛，异时即不立社，可也。

楷人公宗诫十六条

佚名

【题解】 本文选自《京江柳氏宗谱》卷二（光绪 17 年）。

忠孝节义，先王之所以立教于天下，昔贤之所以垂训于后世者，甚悉。吾兄来止，既已师其意著为训词，与我宗族共勉之矣，余又何容赘言。第恐习俗移人，贤者不免种种败行相习，而不知其非原其初，未必尽干名犯义之为，极其弊不至丧身殒命破室之家不止，故复举其急宜深戒者十六则，不憚反复而申儆之。凡我宗族当念承先启后，此身关系匪轻，偶一犯科，则终身莫挽，所当有则改之，无则加勉者，其在斯欤。幸勿以予言为迂拘，而莫之察也。

一戒宿娼

今人恣意青楼，狎游妓馆，每谓野草闲花，不在奸淫之列。不知若辈倚门献笑，送旧迎新，无非利人财耳。财尽则冷面却之，构谋逐之矣。世人堕其术中，身家性命未有不倾覆者。奚为贪顷刻之欢，速败亡之祸乎？至于钻穴踰墙，偷香窃玉，其损德受祸较之宿娼，又不啻倍蓰，凡我族人，首宜痛戒，一涉于此，合族共押入祠，严加惩戒，以儆滔淫。

二戒赌博

从来赌博，近乎盗贼，三五为群，呼朋引类，不顾廉耻，不择上下，竟日继夜，废寝忘餐，身败名丧而不悔者，其故何欤？总由习与不正人居，始则饮酒，继则赌钱，拈头画卯，希图过二加三，换底偷张，倒四分六，盖利令智昏，遂沉溺不返矣。迨至家资荡